



## **KOMUNIKADO PA PRENSA**

*Fecha*

16/9/2014

*Manager di Komunikashon*

**Jhanirha Da Costa Gomez- Anita**

*Adrès elektróniko*

[jhanirha.anita@gobiernu.cw](mailto:jhanirha.anita@gobiernu.cw)

### **KORE KU KOUTELA!**

## **KAMBIO DI TRÁFIKO NA KRUSADA MERCURIUSSTRAAT, CERESSTRAAT I URANUSWEG TA NA VIGOR**

**Willemstad** – Servisio pa Obra Públiko ta rekordá komunidadat ku for di 14 di sèptèmber último, a kambia e situashon di tráfiko na e krusada di Mercuriusstraat - Ceresstraat – Uranusweg.

E krusada menshoná awor ta aksesibel for di tur direkshon. E kambionan ku a drenta na vigor ta:

- Den Ceresstraat tráfiko motorisa por move den ámbos direkshon. Ceresstraat no ta kaya di un direkshon so mas.
- Den e parti di Uranusweg, entre Mercuriusstraat i Jupiterstraat, tráfiko motorisa por move den ámbos direkshon.
- E parti final di Uranusweg pa yega Mercuriusstraat no ta kaya di un direkshon so mas.
- Awor ta posibel ku tráfiko biniendo di Mercuriusstraat òf Ceresstraat por drenta Uranusweg.
- Awor ta posibel tambe ku tráfiko biniendo di Mercuriusstraat òf Uranusweg tambe por drenta Ceresstraat.

Servisio pa Obra Públiko a tuma e desishon di kambia e situashon di tráfiko aki despues di a elevá e krusada. E kambio aki ta pa hasi e área rondó di e krusada elevá mas aksesibel.

Servisio pa Obra Públiko a pone bòrchinan di tráfiko i indikashonnan, den forma di flecha riba kaya, pa aksentuá e kambio di tráfiko. Servisio pa Obra Públiko ta pidi tur habitante i usuario di e krusada aki pa tene hopi bon kuenta ku e kambionan menshoná.